

Letsholo la kopanelo mane KZN le utulla disakarete tse seng molaong le dithethefatsi tse fetolang semelo

Tshwane, 4 Tlhakubele 2022 – Letsholo la kopanelo le akaretsang bahlanka ba Bolaodi ba Meedi ba Ditshebeletso tsa Lekgetho tsa Afrika Borwa, Ditshebeletso tsa Sepolesa sa Afrika Borwa (SAPS) mmho le mapolesa a Metro le bakile hore ho hapuwe disakarete tse fetang 2 million mmoho le dithethefatsi tse fetolang semelo mane Durban maobane.

Kgapo ena e etsahetse matlong a mararo a bafepedi ba tsebahalang haholo ba disakarete mane Phoenix, Durban. Ka nako ya phenyo, ke paloyohle ya disakarete tse 2.31 million tsa boleng bo ka bang R3.1-million tse ileng tsa hapuwa. Disakarete tsena di ne di rekiswa ka tjelele e tlase haholo e leng ho pakahatsang hore di ne di sa lefelle dikgafa tsa ka hare ho naha. Ho tla etswa oditi e felletseng mabapi le dithoto tsena.

Ho bilwe ho fumanwe dithethefatsi tse fetolang semelo dibakeng tse ding tse pedi, ho akareditswe le Mandrax and Matekwane a boleng bo ka bang R10 000 ebang di rekiswa mebileng. Dithethefatsi tsena di fetiseditswe ho SAPS bakeng sa diphuputso tse ding.

Ketsahalo ena ke karolo ya letsholo le ntseng le tswela pele la ho nonyetsa baabi ba disakarete tse seng molaong ka hara lebatowa lena la KZN. Tsepamo ya letsholo lena ke ho netefatsa hore disakarete tsohle tse rekiswang Afrika Borwa di ikamahanya le tefo ya makgetho a nepahetseng. SARS e entse qeto ya ho shebana le ditaba tsena ka thata le ho leka ho fedisa indasteri ena ya disakarete tse seng molaong ka hara naha mme e tla tswela pele ho etsa dioditi tsa Bolaodi ba Meedi le tsa Lekgetho hodima bahwebi le balefalekgetho ba sa ikobeleng tefo ya lekgetho.

Khomishenara ya SARS Edward Kieswetter o itse, "SARS e ikemiseditse ho bebofatsa tsa kgwebisano le ho hodisa ikonomi ya naha ya rona. E tla tswela pele ho nolofalletsa bahwebi ba ikobelang boikarabelo ba bona ba molao dintho ka ho ba neha tlhakisetso le tiisetso. Ka tsela e tshwanang, SARS e ntse e ntlafatsa bokgoni ba yona ba ho thafalletsa le ho etsa hore ditjeo e be tse hodimo bakeng sa bahwebi ba ikgethelang ho se ikobele tefo ya lekgetho. Ena ke temoso ya hore re ka se lobe letho ho netefatsa hore bohle ba nang le seabo mefuteng ya boitshwaro bo tjena ba bonokwane, re sebetsana le bona ka tsela e mahlonoko".

Ho fumana lesedi le fetang lena, ka kopo ikopanye le SARSMedia@sars.gov.za